



QUÆSTIO MEDICA,

CARDINALITIIS DISPUTATIONIBUS
manè discutienda in Scholis Medicorum die 7ovis
septima Martii.

M. JOANNE GARBE, Doctore Medico,
Præside.

*An propter vivendi modum divites sint plebeis pauperibus
longæviores?*

I.

FACULTAS nostri opifex, unius cum humore
caloris societate conservatur, hæc simul constant
arcto nexu conjuncta, alter alterius adminiculo
sustinetur, caloris alimentum humor, hujus autem ille
mutuo reparator existit: viventibus temperies frigida
nulla, aut æqualis, nec extremæ senectutis frigus vitalis
caloris robur potest superare; par illorum conditio, si
tabescat calor loco non diffilabili conclusus, ita humor
non aperto coarctatus loco putredine corrumpitur. Dum
calor per *ελαφύμ* ad certum tempus invalescit, humo-
ris, & spirituum substantiam non probes semper inclina-
re, lege in uno quam in altero inæquiore. Recens na-
tis ferax, & spiritibus fœcundum, adolescentibus & ju-
venibus plurimum, senibus autem imminutum, marci-
dum, & veluti inest crematum humidum primigenium,



his brevior ætas, quæ in illis futura est diuturnior, quo
in dies augetur uberior caloris innati substantia, ipsis
tamen perpetuam (arte licet medica) nemo posset pol-
liceri.

I I.

CALOR innatus humore non aquoso, non quolibet, sed eo qui non facile exsiccat aëreo & pingui servatur, hic dum continetur abundantior tardius inarescit, modo rerum naturalium usus servetur tempestivus & moderatus, & quod effluerit continenter reponatur alimentis optimis, quorum materiam insita proprietate subigit alterando tota etiam partium substantia. Plantæ in minimis habent vitæ potestatem, parte una senescente altera renascitur, sicut enim species animalium generatione individuorum, ita in vegetantibus perpetua partium generatione individuum unum fit quasi perpetuum: ex ipsis autem diutius vivunt, quæ humidum copiosum pingue, & lentum obtinent, ut resinosa aqueis: ex animalibus terrestria aquatilibus: sanguinea exanguibus vivaciora, ex hominibus mares feminis, graciles obesius ut plurimum diuturniores: Potuerunt ne prioris potiori iure quam huius sæculi parentes longa senectute gloriari?

III.

SENECTUTEM non male sentit quisquis marasmodum appellavit, in hanc enim post ætatis vigorem nos deducit caloris in humidum perennis actio, ita qui vivendi primus auctor extitit, idem moriendi necessitatem tandem imponit, hanc accelerant quæcunque vitæ nostræ fundamenta evertunt ac dissipant ut magna per plures dies inedia, vigiliæ juges ac perennes;

curæ graves ac mœrores : crebræ profundæque cogitationes , ambientis nos aëris æstuans intemperies : vini meracioris potus assiduus : morbus acutus & chronicus : frequens & copiosa feminis effusio : plantæ enim non sunt diuturniores quibus coloni cura fertilitatem adjicit & accelerat : sic plebei pauperes propter rerum inopiam suam per longiorem annorum seriem non extendunt vitam.

I V.

DIVITES jure merito cum plebeis pauperibus de vitæ longitudine non contendunt, in illis humidum radicale inest copiosum, & calor innatus alimentum copiose reponit : omnia optimæ temperaturæ in illis leguntur, color ex rubro & albo commixtus, capilli sufflavi, & ut plurimum crispî : moderatus ex musculo genere habitus, mollities cum temperato calore tantæ gratissima, optima pro voluntate habent alimentum, pane primario & optimis cibis palato gratissimis temperatisque vescuntur : at plebei pauperes contraria præ se ferunt signa, quorum squallida, macilenta, & prædura sunt corpora, capilli nigerrimi vel plus æquorufi, omnia denique exhibent indicia quæ humores intemperatos prædominari deregunt; miserrimi illi infimæ sortis plebei pauperes, vitam non modo calamitosam, sed perpetuis & concatenatis laboribus instar pecudum addictam degunt, pro victu omnia intemperata, panis secundarius aut caninus, caro bubula, suilla, salita, piperrata, caseus & legumina exhibentur, à quibus pravi humores & plures morbi lethales producuntur.

SI magnis parva, sceptrumque ligoni componere fas sit, ut magnates tam generis nobilitate, quam virtutum splendore plebeorum pauperum progeniem procul à se relinquunt, ita pariter bonis salubribus splendidius elucescunt, miseramque illorum vitam longævitate exsuperant. Celebris est & antiqua maxime utilis apud principes invaluit consuetudo, ut assidentes sibi prudentissimos peritissimosque habeant medicos, qui eis vivendi normas ac regulas prescribunt convenientes, (sicque si ipsorum consiliis obsequi voluerint) bonam quam à natura sortiti sunt temperiem servant & exactam valetudinem diutius tumentur: quod vix animadvertunt plebei pauperes crassiore luto nati, & efformati maxime quirusticam agunt vitam, nullo Medicorum adhibito consilio, nulla certa ac statuta vivendi ratione utuntur, sed variis hinc inde incommodis premuntur, curis, sollicitudinibus, ærumnis, molestiisque afficiuntur, sicque languidiorum ut plurimum difficiliorem agunt vitam & brevior.

Ergo propter vivendi modum divites sunt plebeis pauperibus longæviores.

Proponebat Parisiis FRANCISCUS GOUEL,
Parisinus, Baccalaureus Medicus. A. R. S. H. 1686.

Apud Franciscum Muguet, Regis & Facultatis Medicinæ Typographum.